



04-10-2023

UKA2023/39

Pele Broberg, Naleraq

Nunat assigiinngitsut akornanni timmisartuni atortussiatigut isumannaatsuunissamik pisinnaatitaaffeqarnermut inatsisip Kalaallit Nunaanni atuutilersinneqarnissaanik peqqussummik Kalaallit Nunaanni Namminersorlutik Oqartussat akuersissuteqarnissaat pillugu Inatsisartut aalajangiiffigisassaattut siunnersuut

(Ineqarnermut Attaveqaasersuutinullu Naalakkersuisoq).

Siullermeenera:

Naleqqamiit Naalakkersuisut siunnersuutaannut qujavugut.

Innuttaasutut ullumikkut illusiniaruit, sumiiffik soorunami attartuinissamut pingaaruteqartorujuuvoq. Aammali pingaartinneqartartoq tassaavoq illu qularnaveeqqutitut attartuinermi inissiisoqartarnera, assersuutigalugu obligationit atorlugit Realkredit-imi attartuigaanni. Qularnaveeqqusiineq inatsisinik tunngaveqarluni suliaavoq.

Timmisartut illumiik allaanerussutigaa, nunamut nikissinnaajunnaarlugit napparneqarneq ajormata. Nunarsuarmi sumulluunniit nikissinnaammata.

Nunarsuarmilu angalanermi, nuna aaliangersimasut inatsisaat nikerarsinnaasaqaat. Malitsigisaanillu sillimmasiineq allarpassuillu akitsorsinnaallutik. Allaallumi timmisartooq tamakkiisumik akilersimanagu ”finansiel leasing”, timmisartortitseqatigiiffiit arlalippassuit atugaat, akisunaarsinnaavaat nuna timmisartorfiginiagaq ”Cape Town-imi isumaqatigiissut”-mut peqataangippat.

Naleqqamiit qilanaarivarput nunatsinni timmisartornikkut ingerlariaqqittoqarnissaa, danskillu akisussaaffitsik, aningasalersugassartik, namminersornermut inatsit malillugu ingerlanneqalernissaa.

Oqartussaaffik tigutinnagu, danskit qulakkiigassarivaat nunatsinni pissutsit nalimmassariissallugit, matuersaat tunniutiinnariangorlugu. Taamaasiniarunilli nunatsinniit aamma takorluukkat piareersimaffigisariaqarput.

Ullumikkut Naalakkersuisut siunnersuutaat isikkumisut isikkoqartillugu, ataatsimiititaliamukarteqqaarnagu, Naleqqamiit akuerivarput.